

SCRIPT OF MORNING GOJRI NEWS BULLETIN 26AUG 2026 1015HRS

مارنگ گجری نیوز بولٹن 26 اگست 2026

یوہ آکاشوانی جموں ہے محمد اکرم تیں خبر سُنو۔

CM CHILDREN

وزیر اعلیٰ عمر عبداللہ نے کہیو کہ بچاں گا مستقبل سوارن غی ذمے داری صرف اساتزہ ور نی بلکہ حکومت، والدین تے اساتزہ نانہ مل غے کم کرنو وے غو۔ بچہ ماری ذمے دری غا عنوان تیں ایس کے آئی سی سی سرینگر مانہ منعقدہ تعلیمی کانفرنس سنگ خطاب کرتا واں اُنہاں نے کہیو کہ اساتزہ بچاں گا مستقبل غی تشکیل مانہ ایم کردار ادا کریں، تاہم ان ور مکمل ذمے داری کھلنو مناسب نی۔ اُنہاں نے کہیو کہ آج گا بچاں نانہ سوال کرن غے نال نال جوابات سُنن تے سمجھن غی عادت کھلنی وے غی۔ اُنہاں نے سابق صدر ڈاکٹر اے پی جے عبدالکلام غی جانب تیں بچاں غی تربیت مانہ والدین تے اساتزہ غا کردار ور دتا گیا زور غو وی ذکر کیو۔

SEC MEET

آفات غی روک تھام بارے امداد بحالی تے تعمیر نو گا محکمہ غی ریاستی ایگزیکٹیو کمیٹی جس غی صدارت چیف سیکرٹری اٹل ڈلو کرریا تھا نے کل آفات غی روک تھام تے از سرنو بحالی واسطے مداخلتاں گا ایک جامع سیٹ نانہ منظوری دتی ہے، ایس ای سی غی تیجی میٹنگ مانہ بحالی تے از سر تعمیر نو گا کماں واسطے بکھ بکھ محکماں غی طرفوں پیش کردہ ایکشن پلان غو جائیزو لیو گیو۔ جس غو مقصد تیار شدہ عوامی ڈھانچہ غی تعمیر نو ضروری خدمات غی بحالی، روزی روٹی بحال کرنو تے یو ٹی بھر مانہ برادریاں غی آفات نال لڑن واسطے طاقت نال مضبوط کرنو ہے۔ منظور شدہ مداخلتاں مانہ 6 سو 64 عشاریہ 54 کروڑ روپیاں گو فوری مالی خرچ شامل ہے۔ جس مانہ بنیادی ڈھانچہ گا 1 ہزار 2 سو 27 کم تے 8 ہزار 8 سو 4 کروڑ روپیاں مکمل طور تے شدید طور ور تباہ شدہ مکانات غی بحالی ور خرچ وین گا۔ میٹنگ مانہ چیف سیکرٹری نے کہی و کہ رقم نانہ صرف تباہ شدہ بنیادی ڈھانچہ نال بحال کرن غے بجائے ایک مضبوط تے زیادہ آفات تیں محفوظ جموں کشمیر بنان واسطے اصل تجاویز غے مطابق حکمت عملی غے نال استعمال کیو جانو چاہیے۔

EID MILAD-UN-NABI

جموں کشمیر سمیت ملک غا بکھ بکھ حصاں مانہ عید میلاد النبی مزیدی جوش و خروش غے نال منائی جارئی ہے۔ اس موقع ور میلاد محفل، سیرت کانفرنس تے جلوس منعقد کیا جارہا ہیں۔ موقع ور حفاظت گا وی خصوصی انتظامات کیا گیا ہیں۔ وزیر اعظم نریندر مودی نے عید میلاد النبی ور عوام نانہ مبارک باد دیتا واں، دُنیا بھر مانہ اتحاد، خوشی، رحم دلی تے خدمت خلق غی دُعا کی۔

PREZ GREETINGS

صدر جمہوریہ دروپدی مرمو نے عید میلاد النبی غا موقع ور عوام نانہ مبارک باد دتی۔ اُنہاں نے کہیو کہ یوہ دن نبی کریم ﷺ غی تعلیمات نانہ یاد کرن غو موقعو ہے، جہیڑا نیک کردار تے فرض شناسی غی راہ دسیں۔ اُنہاں نے کہیو کہ نبی کریم ﷺ غا اعلیٰ اصول ایک جامع تے ترقی یافتہ ملک غی تعمیر مانہ کردار ادا کرن غی ترغیب دیں۔

LG GREETINGS

لیفٹیننٹ گورنر منوج سنہا نے عید میلاد النبی گا موقع ور پیغمبر اسلام غی یوم ولادت گا موقع ور مبارک باد پیش کی ہے ایک پیغام مانہ لیفٹیننٹ گورنر نے کہیو کہ میلادالنبی گا مبارک موقع ور اوں سب نانہ دل تیں مبارک باد پیش کروں تے نیک خواہشات غو اظہار کرتا واں محمد ﷺ غی زندگی تے تعلیمات تمام نوع انساناں واسطے امن ، مساوات تے ہمدردی غی لازوال بنیاد بنی وی ہے۔ انہاں نے کہیو جے اس مقدس دن ور ہم عہد کراں کہ آپس مانہ بھائی چارہ محبت تے بھائی چارہ غی قدر کرتا واں زندگی گزاراں گا، تے ایک زیادہ ہم آہنگ جامع تے متعدد معاشرہ نانہ فروغ دیں گا۔

CM GREETINGS

وزیر اعلیٰ عمر عبداللہ نے عید میلاد النبی غا موقع ور جموں کشمیر غی عوام نانہ مبارک باد دتی۔ انہاں نے کہیو کہ نبی کریم ﷺ غی زندگی تے تعلیمات انسانیت واسطے امن، محبت، برابری ، رواداری تے بھائی چارہ غو پیغام ہیں۔ انہاں نے لوکاں ور ان تعلیمات نانہ اپنی زندگی مانہ اپنان تے معاشرہ مانہ اتحاد، باہمی احترام تے بھائی چارہ نانہ فروغ دین غی اپیل کی۔ انہاں نے جموں کشمیر مانہ امن ، خوشحالی تے فرقہ وارانہ ہم آہنگی واسطے دُعا وی کی۔

Dy CM GREETINGS

نائب وزیر اعلیٰ سریندر چودھری نے عید میلادالنبی ور جموں کشمیر غی عوام نانہ مبارک باد دتی۔ انہاں نے کہیو کہ یوہ مقدس دن نبی کریم ﷺ غی سچائی۔ رحم دلی ، امن ہم آہنگی تے بھائی چارہ غی تعلیمات ور عمل کرن غی یاد دہانی ہے۔ انہاں نے لوکاں تیں صبر ، خیر سگالی تے ضرورت منداں غی مدد کرن غی اپیل کی تے عوام واسطے امن ، خوشحالی تے سلامتی غی دُعا کی۔

SATISH GREETINGS

وزیر ستیش شرما نے عید میلاد النبی غا موقع ور جموں کشمیر غی عوام نانہ مبارک باد پیش کی۔ انہاں نے کہیو کہ نبی کریم ﷺ غی تعلیمات رحم دلی، امن، انصاف ، مہربانی ، بھائی چارہ تے انسانیت غی خدمات غو پیغام دے۔ انہاں نے جموں کشمیر سمیت تمام لوکاں نانہ امن، ترقی تے خوشحالی تے خوشی واسطے دُعا کی۔

DAR GREETINGS

وزیر جاوید احمد ڈار نے عید میلاد النبی ور جموں کشمیر غی عوام نانہ مبارک باد پیش کی۔ انہاں نے کہیو کہ یوہ موقع نبی کریم ﷺ غی امن، رحم دلی ، بھائی چارہ ، رواداری ، انصاف تے انسانیت غی خدمات ور مبنی تعلیمات نانہ یاد کرن گو موقع ہے۔ انہاں نے جموں کشمیر مانہ امن ، خوشحالی ، خوشی تے اتحاد۔ بھائی چارہ نانہ مزید مضبوط ہون بارے امید ظاہر کی ہے۔
